

陽明篇卷貳

傷寒論集註折衷

陳善同識

內政部註冊著權註冊第一百五十二號



傷寒論集註折衷卷二

漢張仲景原文

河南信陽胡毓秀補註

辨陽明病脈證論

唐容川曰。內經云。陽明之上燥氣治之。燥者。陽明之本氣也。此氣在人則屬胃與大腸。在天則屬申酉二辰。申當坤方屬土。酉當兌方屬金。在四時當七八月爲燥。金用事之候。蓋天地只是水火二氣。化生萬物。水火相交則蒸而爲濕。燥與濕反。乃水火不交之氣也。火不蒸水則雲雨不生。水不濟火則露澤不降。水不潤則木氣不滋。而草木黃落。火不蒸則土返其宅而膏脈枯竭。究水火之所以不交。則由於金性之收。收止水火各返其宅。故神明蓐收。令司秋月。草木枯槁。水泉涸竭。是爲燥。金用事之驗。其在一日則爲申酉二時。天地賴此燥氣。所以戢水火之盈餘。



北京中醫藥大學圖書館藏

竭物產之精華而使之消息也。人身秉天地之燥氣。於是有胃與大腸二者皆消導水谷之府。惟其秉燥氣。是以水入則消之使出。不得停於胃中。西洋醫言胃之通體皆有微絲血管吸水出胃而走入連網。西醫所謂連網。卽是膈膜。乃內經所謂三焦爲化行水谷之府。水出胃走入膈膜。然後下行而入膀胱。若胃之燥氣不足。則水停矣。西醫言食入則胃熱。湊至以腐爛之。西醫所謂熱。卽燥氣也。水既出於胃中。而食物之質未盡化者。下行入小腸。以化液。其所剩糟粕。乃入大腸。然糟粕至此。尚有餘液。必得大腸燥金之氣。以吸收之。使餘液盡出入下焦。而糟粕乃化爲堅糞。若大腸燥氣不足。則爲瀉瀉。此胃與大腸。所以必有燥氣。而後能消水谷也。然而燥氣太過。又爲結硬等證。必賴太陰之濕以濟之。內經言陽明不從標本。從中見之。氣化正是賴濕以濟燥之義。仲景存津液。亦是此義。手太陰肺與手

陽明大腸相表裏。位雖上下懸隔。然肺系之油網。下連膈膜。又下連板油。至下焦油網。則與大腸相接。肺金腴潤。注於大腸。則燥而不太過。足陽明胃與足太陰脾相表裏。位甚相近。以膜相連。胃中食物。化液歸脾。從膜中布達。乃生膏油。膏油者。脾之物也。膏油功用。上滋胃氣。下潤大腸。膏油之色。本帶微黃。故病能發黃疸。膏油透出筋骨之外。則爲肥肉。是名曰肌。邪在肌肉。循膏油而入。則能內通於胃。胃有大絡。上通於心。西醫言胃中化液。有大管。導之上行。至頸會管。遂與心之血管相會。西醫所謂管。卽內經所謂絡也。絡言其絲條。管言其絲條中之孔竅。胃絡通心。故胃中燥火。入心亂神。則爲譫語。燥熱相合。胃家實。則譫語。舌上起芒。口乾燥。又以胃管上通口也。若燥屎在大腸。則潮熱。應申酉金旺之時。而始從下潮上也。其經行身之前。從面至腹。抵足跌。皆陽明經所行。臍下血室。有衝脈兩條。夾臍而

上○至○於○喉○間○。是○衝○脈○麗○於○陽○明○之○部○分○。陽○明○汁○液○化○血○。則○下○入○血○室○。血○室○一○名○氣○海○。膀○胱○所○化○之○氣○。歸○於○氣○海○。上○出○口○鼻○。亦○必○從○臍○傍○。循○陽○明○之○道○路○而○上○。是○以○衝○氣○亦○能○隨○脈○上○逆○入○胃○。陽○明○二○字○。或○言○取○太○少○兩○陽○。合○併○于○人○身○之○前○。兩○陽○相○合○。故○曰○陽○明○。然○內○經○言○陽○明○少○陰○有○。司○天○在○泉○之○說○。是○人○身○之○陽○明○經○。仍○取○天○之○陽○明○以○爲○名○也○。在○天○以○卯○酉○屬○陽○明○。以○卯○酉○爲○日○月○之○門○戶○。且○酉○爲○日○入○。如○周○易○明○入○地○中○之○明○。言○陽○明○陽○盛○而○竭○。是○以○成○其○氣○燥○。陽○明○之○氣○。必○以○下○行○爲○順○者○。金○氣○肅○降○。所○以○成○化○土○也○。各○經○皆○有○陽○明○證○。以○水○谷○之○海○。各○經○皆○秉○氣○於○胃○也○。讀○者○當○會○通○焉○。

第一章

此章六節。前三節論陽明裏證。所以胃實便硬之故。

後三節論陽明表證。所以惡熱不惡寒之故。本章爲

陽明篇總冒。

問曰。病有太陽陽明。有正陽陽明。有少陽陽明。何謂也。答曰。太陽陽明者。脾約是也。正陽陽明者。胃家實是也。少陽陽明者。發汗利小便。胃中燥煩。大便難是也。

第一節

此節爲陽明病內證之提綱

陳修園曰。病有太陽陽明。有正陽陽明。有少陽陽明。何謂也。答曰。太陽陽明者。以



南京中醫藥大學圖書館藏

陽明之上燥氣治之本太陽病不解太陽之標熱合陽明之燥熱併入太陰脾土之中脾之津液爲其所灼而窮約所謂脾約是也正陽陽明者蓋以燥氣陽明之本氣也天有此燥氣人亦有此燥氣燥氣太過無中見太陰濕土之化所謂胃家實是也少陽陽明者蓋以少陽之上相火主之若病在少陽誤發其汗誤利其小便則水谷之津液耗竭而少陽之相火熾盛津竭則胃中燥火熾則煩而實實則大便難是也

唐容川曰太陽陽明者從太陽肌肉而入內之油膜脾主膏油被熱灼而膏油枯縮則腸亦枯縮是爲脾約指脾之膏油收縮而言也少陽陽明是膜網與胃相連膜中之水外從腠理而汗下從小便而泄則胃中之水遂乾燥矣此處提網卽將膏油膜網與腸胃相連之迹先行發明則通篇變證可尋求矣

陽明之爲病。胃家實也。

第二節

陳修園曰。此復申明正陽陽明之爲病也。何謂正陽陽明之爲病。燥氣爲陽明之本氣。燥氣盛于上。則胃家實于內。一言以蔽之曰。胃家實也。

沈堯封曰。此是陽明證之提綱。後稱陽明證三字。俱有胃家實在內。胃家實以手按胃中實硬也。如大陷胸證。按之石硬。卽名實熱。梔子鼓證。按之心下濡。卽名虛煩。夫心下既以濡硬分虛實。何獨胃中不以濡硬分虛實乎。

胡毓秀曰。此節胃家實三字。是陽明裏證之提綱。下節身熱自汗不惡寒反惡熱。是陽明外證之提綱。蓋陽明有表裏證。裏證指腸胃孔道。言表證指肌肉油。



膜言因脾主膏油肌肉胃與脾合故也陽明秉燥氣燥氣盛于內則胃實便秘燥氣蒸于外則身熱自汗不惡寒反惡熱沈氏謂胃家實三字是陽明證提綱後稱陽明證俱有胃家實在內不知陽明有表證有裏證有太陽少陽陽明證有虛寒證有實熱證胃家實特陽明證之一後文陽明病不胃家實者多矣豈能以此三字括盡陽明百病哉沈注既不當而注家皆宗其說適足見其無識耳

問曰何緣得陽明病答曰太陽病若發汗若下若利小便此亡津液胃中乾燥因轉屬陽明不更衣內實大便難者此名陽明

也。

第三節

陳修園曰。此承上章太陽陽明病言也。問曰。何緣得太陽陽明病。答曰。太陽之津液。從胃府水谷而生。患太陽病。若發汗若下。若利小便。此皆亡胃中之津液。胃中無津液而乾燥。其太陽未解之邪熱。因轉屬於陽明。其不更衣。爲腸內之實。腸內既實。其大便必難通而閉塞者。此名太陽轉屬之陽明也。

唐容川曰。此承上太少陽明而言。淺注謂單承太陽。不知仲景雖未提出少陽字面。而若利小便。已承上文少陽條。卽如太陽篇。其干及少陽之證。又何曾提出少陽二字。讀者當細玩之。



傷寒論集註
陽明篇卷二
新陽明病別論
上
傷寒論集註
陽明篇卷二
新陽明病別論
上
問曰。陽明病。外證云何。答曰。身熱。汗自出。不惡寒。反惡熱也。

第四節

此節爲陽明病外證之提綱

陳修園曰。此節補出陽明外證。合上節爲一內一外之提綱。問曰。有諸中者。形於外。陽明病。外證云何。答曰。胃熱之外。見者。肌肉之中。蒸蒸然。熱達于外。名曰身熱。與太陽之表熱不同也。熱氣內盛。漰漰然。汗溢于外。名曰熱自出。與太陽之自汗不同也。表寒已解。故不惡寒。裏熱已盛。故反惡熱。因有胃家實之病根。卽見熱盛。自汗之病證。不惡寒。反惡熱之病情。內外俱備。方是陽明之的證。

唐容川曰。身熱自汗。與太陽正同。太陽之邪在肌肉。則翕翕發熱。漸漸自汗出。肌肉卽肥肉。與內之膏油。皆屬于脾胃。故胃熱亦能發見與肌肉。而爲身熱自汗。與

太陽同也。惟不惡寒反惡熱是陽明燥熱之的證。與太陽之惡寒不同。淺注不知肌肉之理。是以略差焉。

問曰。病有得之一日不發熱而惡寒者何也。答曰。雖得之一日。惡寒將自罷。卽自汗出而惡熱也。

第五節

陳修園曰。此承上文不惡寒反惡熱言也。問曰。身熱不惡寒。旣得聞命矣。今陽明病有始得之一日不發熱而惡寒者何也。答曰。陽明主金氣。金氣微寒也。邪初入故惡寒。及邪旣入于肌肉之分。卽從熱化。雖得之一日不待解散而惡寒將自罷。



北京中醫藥大學圖書館

燥氣內出。卽自汗出惡熱。此陽明之候也。

胡毓秀曰。此兩節皆申明上節惡寒不惡熱之故。病在陽明。當惡熱不惡寒。今病始得之一日。不發熱而惡寒者。何也。蓋一日病在太陽。太陽主寒氣。故不發熱而惡寒。二日病傳陽明。陽明秉燥氣。邪入陽明。合于燥氣。故惡寒自罷。卽自汗出惡熱。此由太陽傳入陽明之證。下節亦是申明此節之義。修園金氣微寒。邪初入。故惡寒之說謬矣。且下節無所復傳句。明言太陽傳陽明。陽明不復他傳。故惡寒自罷。修園何不卽下節而細玩之耶。

問曰。惡寒何故自罷。答曰。陽明居中土也。萬物所歸。無所復傳。始雖惡寒。二日自止。此爲陽明病也。

第六節

陳修園曰。此設爲問答。以明惡寒自罷之故。問曰。陽明病。未經表散。惡寒何故自罷。答曰。陽明與他經不同。以其居中土也。中土爲萬物所歸。故凡表寒裏熱之邪。無所不歸。無所不化。皆從燥化而爲實。實則無所復傳。一日表氣通于太陽。其始雖頗惡寒。而二日爲陽明主氣之期。正傳而邪亦傳。正再傳而邪有所歸。而不再傳。故自寒自止。此所以爲陽明病也。

第二章 此章五節。前四節論太陽陽明證。末一節論少陽陽

明證。所以申明首章之義。

本太陽病。初得病時。發其汗。汗先出不徹。因轉屬陽明也。傷寒發熱。無汗。嘔不能食。而反汗出濇濇然者。是轉屬陽明也。

第七節

陳修園曰。過汗亡津液。而轉屬陽明者。固多。而汗出不徹。與不因發汗者。亦有轉屬之證。本太陽病。初得病時。發其汗。汗先出不徹。其太陽表熱之氣。不能隨汗而泄。而即與燥氣混爲一家。因此而轉屬陽明也。此外更有傷寒發熱。無汗。其時即伏胃不和之病機。嘔不能食。不能發汗。而反汗出濇濇然者。水液外泄。則陽明內乾。是轉屬之外。又有一轉屬陽明之證也。



傷寒三日。陽明脈大。

第八節

陳修園曰。三日爲少陽主氣之期。病固宜乘其氣而樞轉外出矣。今傷寒三日。現出陽明證。而脈大爲邪歸中土。無所復傳。是不能從少陽之樞而解也。

胡毓秀曰。此二節淺注尙不差。又按三日少陽主氣。當見弦脈。今傷寒三日。不見少陽之弦脈。而見陽明之大脈。可知太陽傳陽明。陽明不復他傳。爲陽明之證。

傷寒脈浮而緩。手足自溫。是爲繫在太陰。太陰者。身當發黃。若



小便自利者。不能發黃。至七八日。大便秘者。爲陽明也。

第九節

陳修園曰。此節合下節。明陽明與太陰相表裏之義也。陽明與太陰。正氣相爲表裏。邪氣亦交相爲繫。陽明脈大。今浮而緩。陽明身熱。今止手足自溫。是爲病不在陽明。而繫在太陰。太陰者。濕土也。濕氣相并。身當發黃。若小便自利者。濕熱得以下泄。故不發黃。至七日已過。爲八日。值陽明主氣之期。遂移其所繫。而繫陽明。胃燥則腸乾。其大便因而結硬者。此爲陽明證也。

胡毓秀曰。此論太陽之邪有傳陽明。傳太陰之不同也。太陰脾土。內主膏油。外主肌肉。膏油肌肉中。血脈縈繞。爲行血之路。故內經曰。脾統血。太陽之邪。傳入

